

**REGLUGERÐ**

um breyting á reglugerð nr. 20 frá 18. marz 1961  
fyrir Verzlunarbanka Íslands hf.

## 1. gr.

Við 1. gr. reglugerðar fyrir Verzlunarbanka Íslands h.f. bætist svofellt ákvæði:  
Samkvæmt ákvörðun aðalfundar bankans 8. apríl 1967 skal auka hlutaféð í allt  
að 30 milljón krónur. Skal hlutaféð, sem nú er 12 milljónir, aukið um 6 milljón  
krónur á hverju ári um sig 1967, 1968 og 1969.

## 2. gr.

Reglugerð þessi, sem hlaut meðferð og afgreiðslu á aðalfundi bankans 8. apríl  
1967, staðfestist hér með.

*Viðskiptamálaráðuneytið, 4. marz 1968.*

**Gylfi Þ. Gíslason.**

*Lúðvik Gizurarson.*

6. marz 1968.

Nr. 73.

**S A M Þ Y K K T**

fyrir **Veiðifélag Grímstunguheiðar.**

## 1. gr.

Félagið heitir Veiðifélag Grímstunguheiðar. Heimili þess og varnarþing er  
heimili formanns félagsins.

## 2. gr.

Félagið nær til allra jarða í Ás- og Sveinsstaðahreppum.

## 3. gr.

Verkefni félagsins er að viðhalda og auka silungsveiði í öllum vötnum og  
lækjum á Grímstunguheiði og leigja veiði í þeim og stöng eða í lagnet á tíma-  
bilinu frá 1. apríl til 27. sept. ár hvert.

## 4. gr.

Stjórn félagsins skipa 3 menn, formaður og 2 meðstjórnendur og er kjörtími  
þeirra 3 ár. Skal formaður kosinn á aðalfundi félagsins en meðstjórnendur af sveit-  
arstjórnnum aðildarhreppanna hvors um sig, ásamt endurskoðendum.

Varastjórn skal kosin á sama hátt. Enginn félagsmaður getur skorast undan  
kosningu, nema hann hafi setið 3 undanfarin ár í stjórninni.

## 5. gr.

Stjórnin hefur á hendi allar framkvæmdir félagsins milli aðalfunda. Hún fær  
menn sér til aðstoðar við þau störf í þágu félagsins, sem vinna þarf á hverjum  
tíma og semur við þá um þóknun fyrir.

Formaður er fulltrúi félagsins út á við og hefur yfirumsjón með öllum störf-  
um félagsins og fjárreiðum.

Öllum er óheimilt að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki og með hvaða kjörum leyfið er veitt.

## 6. gr.

Aðalfund skal halda í febrúar eða marz ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfssemi þess á næsta ári. Þá skal og leggja fram endurskoðaða reikninga félagsins fyrir liðið ár og úrskurðar fundurinn um þá.

## 7. gr.

Reikningsár félagsins er almanaksárið. Stjórninni ber að færa reikninga í gerðabók, sem henni er skylt að halda, svo og samþykktir félagsins, félagaskrá, arðskrá, fundargerðir o. fl.

## 8. gr.

Arði af sameiginlegri veiði skal skipt að jöfnum hlutum milli sveitastjóða aðildarhreppanna, enda bera þeir, í sömu hlutföllum kostnað er verður af starfsemi félagsins.

Aðalfundur ákveður hverju sinni, hvað lagt sé til fiskiræktar eða annarra umbóta á félagssvæðinu.

## 9. gr.

Eftir því sem ekki er fram tekið í samþykkt þessari um starfssemi félagsins, fer eftir IX. kafla laga nr. 53/1957 um lax- og silungsveiði.

## 10. gr.

Brot á samþykkt þessari varða sektum samkvæmt XVII. kafla laga nr. 53/1957 um lax- og silungsveiði.

Samþykkt þessi staðfestist hér með samkvæmt lögum nr. 53 5. júní 1957, um lax- og silungsveiði, til þess að öðlast þegar gildi, og birtist til eftirbreytni öllum þeim, sem hlut eiga að máli.

*Atvinnumálaráðuneytið, 6. marz 1968.*

**Ingólfur Jónsson.**

*Þorv. K. Þorsteinsson.*

Staðfesting forsetans á viðauka við skipulagsskrá fyrir Minningarsjóð Sigríðar Þorvaldsdóttur, Suðureyri í Súgandafirði, útgefinn á venjulegan hátt að mandatum af dómismálaráðherra, 7. marz 1968.

Viðaukinn er þannig:

## V I Ð A U K A S K I P U L A G S S K R Á

fyrir Minningarsjóð Sigríðar Þorvaldsdóttur, Suðureyri í Súgandafirði.

Aftan við 5. gr. bætist svo hljóðandi málsgrein:

Enn fremur skal kvenfélagið veita árlega úr sjóðnum upphæð, sem það ákveður til blómarræktar og skrauts í grafreit héraðsins á Stað, og skal sérstaklega sinnt um þau svæði garðsins, sem aðstandendur hafa ekki tók á að hirða um.